

## Filemón

### *Jachuayama*

<sup>1</sup> Atše Pablo, mora utamená Cristo Jesusbiana oservena causa, quem tsbuanácha sentsabiamná, Jesucristbeyeca bēngbe catsata Timotéoftaca, acbiana Filemón, bēngbe bonshaná y nda bēngaftaca condētrabája Jesucristo jaserviama.

<sup>2</sup> Atše sentsacheuaná, Jesucristbeyeca bēngbe uabena Apia y Arquípnaca, nda bēngaftaca cányiñe Jesucristbe soyēngama endenojuerzana; y nyetsca ošbuachiyēngnaca, ndēmuanyēnga imuamana acbe yebnentše jēnefnama Bēngbe Bētsá jētschuayama. <sup>3</sup> Atše sēntseimpadana Bēngbe Bētsá Bēngbe Taitá y Bēngbe Utabná Jesucristo, chata chaboma tšabe bendicionēnga tšēngaftangbeñe chaotsemnana, y chaboma tšēngaftangbe ainaniñe tšabe ebionana chašmotsebonnana.

### *Filemonbe bonshánana y ošbuáchiyana*

<sup>4</sup> Bēngbe Bētsáftaca stsencuénta ora, acbiana sēndbētsenojuabnaye, y sempre acbiana Bēngbe Bētsá sēndbētsatschuanaye, <sup>5</sup> er atše sēnjátatsēmbona ntšamo aca nyetsca chē Bēngbe Bētsábenga imomnēnga icuababuányēshanama, y ntšamo aca Bēngbe Utabná Jesúsbeñe tša icošbuáchema. <sup>6</sup> Bēnga, Jesucristbeñe ošbuáchiyēnga quetsomñecá, ácaftaca mo canyáca fsēndmēna. Chca endmēnayeca atše Bēngbe Bētsá sēntseimpadana, tšēngaftanga chašmobená más botamana josértana nyetsca chē Bēngbe Bētsábiocana tmojóyēngacñe

tšabe bendicionënga, bënga Cristo Jesúseftaca cánÿiñe mo canÿacá bétsemnayeca. <sup>7</sup>Jesucristbeyeca atšbe bonshana catšata, aca chë Jesucristbeñe ošbuáchiyënga tša condábabuanÿeshanama, atše corente oyejuayá sëntsemna y bëts añemo sëntsebomna. Y aca tcojama, nÿetscanga chë Bëngbe Bëtsábenga imomnënga chëngbe ainaniñe ngmënaca ndoñe chamondétsemnama, chënga jujabuáchëse.

*Pablo, Filemónbioye Onésimbiana tbojanimpadá*

<sup>8</sup> Y chca, atše Cristbe ichmoná quetsomñecá sëntsobena, aca nÿe jamándana ntšamo yomncá chacotsamama, pero atše chca ndoñe quichatsma.

<sup>9</sup> Y cbondbobonshánayeca, chca játamanna, aca cbochanjaimpáda. Atše Pablo, Jesucristbe cuenta ichmoná jóyebuambayama y mora utamená, chabiana oserverna causa, <sup>10</sup> canÿe ruego cbochanjábema, Onésimo chacuájabuachama. Atše utamená tsmënëntscuana, Jesucristbe soyëngama cha sënjanbuayiyná. Cha Cristbeñe tonjanošbuachéyeca, cha mo atšbe uaquiñacá tonjanóbema.

<sup>11</sup> Tempo, cha ácbioye tondayama quecmënjátanserverna, pero mora cha becá entsámama, acbiana y atšbiana. <sup>12</sup> Mora ácbioye sëntsatichamná, y atše sempre chabiana sëndbétsenojuabnaye y sëndbobonshana.

<sup>13</sup> Atšbiana puerte tšabá manmëna cha átseftaca matënjoquedase, acbe cuenta atše chašoservema, cárceloye utamená sëntsemnëntscuana, chë tšabe notiçiënga entšanga abuayiynaye causa. <sup>14</sup> Pero atše ndoñe chiyatsma cha chaoquedama atše

chašuájabuachama, er atše ndoñe quetsátsboše aca obligaciúnaca chacotsemnama, atše juajabuáchama ndayánaca chacomama; y séntseboše aca ndayánaca chacoma, cach aca chca jamama puerte tcojtsebošese. Chcasna, tondaye quichatsma, chë soye chca chaotsemnama aca cabá ndocá ntjayancá. <sup>15</sup> Atše séntsejuabná nderado Onésimo ácbentšana básefta tescama tojanoluaré, mora ácaftaca nyets tempo jtsatsmënama ca, <sup>16</sup> y ndoñe nye acbiamama mo nyets tempo canye oservenacá, ndayá chama más uamanacá, mo Jesucristbeyeca canye bonshana catšatcá. Atše puerte Onésimo séndbobonshana, y acna cmontsemna más cha jtsebobonshánana, er cha mora ndoñe quenátsmëna canya nye acbiamama nyets tempo oservená, ndayá Bëngbe Utabnábeyeca canye catšata, ntšamo cach aca condmëncá.

<sup>17</sup> Chca, aca atšbiamama condëjuabná mo ácaftaca cányiñe Bëngbe Utabnabiamama trabajayacá; chíyecna cmontsemna cha jtoftana, mo atše scojofjá. <sup>18</sup> Nderado ntšamo cha tcmojanborlá o ndayánaca tcmondebena, atše chama cbochjëtséntsabuachiye. <sup>19</sup> Atše Pablo, cach atšbe cucuátseca quem soye séntsabiamná. Atše chama cbochanjëtséntsabuachiye. Ndegombre, ndoñe quenátsiyta atše chacbëyana becá šcondebena ca, ntšamo atsbocaná jtsemnama atše tcojójánbuayenama. <sup>20</sup> Chcasna, Jesucristbeyeca atšbe catšata, Bëngbe Utabnáftaca cányiñe mo canyacá quetsomñecá, Diosmanda chë pavor šcochtsebema. Diosmanda cochjama atšbe ainana ngmënacama ndoñe chaondëtsemnama.

<sup>21</sup> Atše chca cbontsabobiamná, er atše tšabá

sëndétatšëmbo, ntšamo cbontseimpadancá cochjamama, y cabá más chama cochjatsmama. <sup>22</sup> Y mora inÿe soye, Diosmanda posada scochjaboprónta, atše jánÿama chajábocna orscama, er atše puerte jtsošbuáchiyëse Bëngbe Bëtsábeñe sëndobátmana, cha tšëngaftangbiamama yochjama lempe ntšamo atšbiamama chašmojtjañcá, y chca, cha šochjaleséncia atše tšëngaftangbioye jésama.

*Pablo Filemónbioye jadióšoftanama*

<sup>23</sup> Epafra, muentše átšeftaca cárceloye utamená, Cristo Jesusbiamama entšanga abuayiynaye causa, chánaca cmontsechuaná. <sup>24</sup> Y Marcos, Aristarco, Demas y Lucas, chë bëngaftaca mondëtrabájanga Cristo jasérviamama, chëngnaca cmontsechuaná.

<sup>25</sup> Atše sëntseimpadana Bëngbe Utabná Jesucristo, chaoma tšabe bendicionënga tšëngaftangbeñe chaotsemnana.

## **Bëngbe Bëtsa Cabëngaftaca Entsoyebuambna New Testament in Camsá**

copyright © 2009 Wycliffe Bible Translators, Inc.

Language: Camsá

Translation by: Wycliffe Bible Translators, Inc.

### **Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Camsá

**© 2009, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-05-05

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
19104c0e-9046-5ff3-82fb-eb838c88dcf9